

Ծանր օրեր է ապրում արցախահայությունը: Տագնապալից օրեր, անվերջ սպասումներ, վիրավորվածություն, հումախարություն, նաև՝ սով... Վերջինս խորհրդային երկրում ժողովուրդների բարեկամության դրոշի ներքո հարևան «եղբայրական» հանրապետության կողմից մարզի շրջափակման արդյունքն է: Ասել է, թե 70 տարի եղել ենք ազատ կալանքում, հիմա էլ մեզ «հնազանդ շիկելու համար» մեկուսացրել են, կիրառում են պատժի ուժեղացված ռեժիմ:

Սով է Արցախում: Դա էլ արցախցիներին ահաբեկելու հերթական քայլ է, տեսնես էլ ինչի կոչման մեր «եղբայրները» մեզ մեր տներից հանելու համար:

Ցանկանում են սովամահ անել մեզ, ծնկի բերել՝ չիմանալով, որ մի քանի ամիս չէ, մի քանի տարի էլ շրջափակեն, համաձայն ենք սովամահ լինելու, բայց ծնկի չենք գա,

Հ Ո Ւ Ս Ո Կ Ա Մ Ո Ւ Ր Ջ

կապաքարենք մինչև... միացում:

Շրջափակում է: Ավարտվում են մարդկանց ուտելիքի վերջին պաշարները: Սննդամթերքի, առաջին անհրաժեշտության առարկաների խիստ պակաս է զգացվում նաև մրգառատ ու քերքառատ մեր գյուղում Վերին Հոռաթաղում (երաշտն էլ իր անելիքն է արել այս տարի):

Սպառվելու վրա է այլուրը: Երկու ամսից ավելի նույնիսկ փոքր երեխաները զրկված են թեյ խմելու հնարավորությունից:

— Այս ինչ օրի հասանք, պատերազմական տարիներին գյուղը հացի պակաս չի զգացել, մեր հողը բարեբեր է, մեր ժողովուրդը՝ աշխատասեր, մեր պահեստները երբեք չեն դատարկվել, հիմա ի՞նչ պիտի անենք, — թոնթորում էին գյուղի ծերերը՝ չիմանալով, որ հի-

մա էլ շհայտարարված պատերազմի մեջ ենք: Ուղղակի մեր բոլոր թշնամիները չէ, որ բացահայտ են գործում: Առաջ բերքը տնօրինում էին գյուղացիները, ունեին աղացներ, լիքը պահեստներ, իսկ հիմա հանձնում են Ադդամի մթերակայան: Այնտեղ էլ քմահաճորեն են վերաբերվում դրա հետևուզեն կընդունեն, կուզեն չեն ընդունի:

Շրջափակում է... Չկա նաև բենզին, փակ են բոլոր անապարհները գյուղից, մարզից դուրս, իսկ ամբողջ մարզը մեզ պես խիստ կարիքի մեջ է:

Դասարան մտնելուց, դաս հարցնելուց առաջ, նայելով աշակերտների մտախոհ, դալուկ դեմքերին, հարցնում եմ որևէ բան կերե՞լ են, արդյոք, այդ օրը, գոնե թեյ խմե՞լ են, և քանի անգամ են արցունքոտվել աչքերս, երբ երեխաները պատասխանել են՝ ի՞նչ թեյ...

Ահա այսպիսի ծանր վիճակում էինք, երբ գյուղի վրա հոնդաց և մոտիկ դաշտում վայրէջք կատարեց սննդամթերքներով բեռնված մի օտդաթիո: Ամբողջ գյուղը շըրջապատեց ուղղաթիռը: Կանայք լաց էին լինում, երեխաներն ուրախությունից թռչկոտում, չէ՞ որ այլուր ու շաքարավազ էին ուղարկել...

Ուղղաթիռն ուղեկցել էր համագյուղացի, երկրաբանական արշավախմբի աշխատակից Ռաֆիկ Հովհաննեսի Սաժյանը: Նա, իմանալով Արցախում տիրող իրավիճակի մասին, իր և իր կուլեկտիվի ուժերով մթերքներ էր հասցրել գյուղ: Բոլորը սրտատուչ շնորհակալություն հայտնեցին Ռաֆիկին և նրա կուլեկտիվին, ամբողջ Հայաստանի ժողովրդին: Գիտենք, որ վիրավոր է, անչափ կարիքի մեջ է նաև մեր մայր Հայաստանը, բայց

այդ նեղ վիճակում էլ օգնության ձեռք է մեկնում Արցախին: Ուրիշ էլ ինչի հետե կարելի է համեմատել այդ օգնությունը, եթե ոչ փլատակների տակ մնացած այն մոր վարմունքի հետ, որն իր մատները ծակելով արյունը խմեցրել էր երեխային և փրկել նրան մահից, կյանք պարգևել գավակին...

Ուղղաթիռի գյուղ գալը մարդկանց հոգում հուսո շողվառեց, հուսո կամուրջ գցեց Երևանից Վ. Հոռաթաղ...

Ի՞նչ կարելի է եզրակացնել ինչքան էլ բարբաջեն բունհաթովները, ինքան էլ մեզ «աղվանացնեն», մենք մեկ հոգի, մեկ մարմին ենք, նույն արյունն է մեր երակներում: Մենք վաղուց միացել ենք հոգով, մնում է միայն թղթերի վրա վավերացվի այդ միացումը...

Նաիրա ԱՌՍՏԱՄՅԱՆ
ԼՂԻՄ, Մարտակերտի շրջան,
գ. Վ. Հոռաթաղ